

Procedénti ab utróque  
Compar sit laudátio. Amen.  
¶. Panem de cœlo præstítisti eis.  
¶. Omne delectaméntum in se ha-  
bentem.

Orémus.

**D**eus, qui nobis sub Sacraménto  
mirábili passiónis tuæ memóriam  
reliquisti; trübue, quásimus, ita nos  
córporis et sanguinis tui sacra my-  
stéria venerári: ut redemptiónis tuæ  
fructum in nobis júgiter sentiámus.  
Qui vivis et regnas in sǽcula sǽcu-  
lórum. Amen.

Indulgéntia 300 dierum semel in die.  
(24. Aug. 1818.)

### Pro Gratiarum Actione.

Hymnus Ss. Ambrosii et Augustini.  
(Dicitur vel canitur semper stando, etiam  
coram Ss. Sacramento exposito.)

**T**e Deum laudámus: \* te Dóminum  
confítémur.

Te ætérrnum patrem \* omnis terra  
venerátur.

Tibi omnes Angeli, \* tibi cœli, et  
univérsæ potestátes:

Tibi Chérubim et Séraphim \* inces-  
sábili voce proclámant:  
Sanctus, \* Sanctus, \* Sanctus, \* Dó-  
minus Deus Sábaoth.

Pleni sunt cœli et terra \* majestátis  
glóriæ tuæ.

Te gloriósus \* Apostolórum chorus,  
Te Prophetárum \* laudábilis núme-  
rus,

Te Mártirum candidátus \* laudat  
exércitus.

Te per orbem terrárum \* sancta  
confítetur Ecclésia:

Patrem \* imménsæ majestátis,  
Venerándum tuum verum \* et úni-  
cum Filium,

Sanctum quoque \* Paráclitum Spí-  
ritum.

Tu Rex glóriæ, \* Christe.  
Tu Patris \* sempitérnum es Filius.

Tu ad liberándum susceptúrus hó-  
minem, \* non horruísti Virginis úte-  
rum.

Tu devicto mortis acúleo, \* aperi-  
sti credéntibus regna cœlórum.

Tu ad déxteram Dei sedes, \* in  
glória Patris.

Judex créderis \* esse ventúrus.

Te ergo quásimus (*Hic genuflecti-*

*tur duplicitate et inclinatur profunde*),

tuis fámulis súbveni, \* quoſ pretiósō  
ságuine redemísti.

Etérrna fac cum sanctis tuis \* in  
glória numerári.

Salvum fac pópulum tuum, Dómine,  
\* et bénedic haereditati tuæ:

Et rege eos, \* et extólle illos usque  
in ætérnum.

Per singulos dies \* benedicimus te.  
Et laudámus nomen tuum in sá-  
culum, \* et in sáculum sáculi.

Dignáre, Dómine, die isto \* sine  
peccáto nos custodire.

Miserére nostri, Dómine, \* mis-  
erére nostri.

Fiat misericórdia tua, Dómine, su-  
per nos, \* quemádmodum sperávi-  
mus in te.

In te, Dómine, sperávi: \* non con-  
fundar in ætérnum.

X. Benedicámus Patrem et Fílium  
cum Sancto Spíritu. R. Laudémus,  
et superexaltémus eum in sácula.

Orémus.

Déus, cujus misericórdiæ non est  
númerus, et bonitatis infinitus est  
thesáurus: piissimæ Majestati tuæ  
pro collátis donis grátias ágimus,  
tuam semper cleméntiam exorántes;

ut, qui peténtibus postuláta concédis;  
eósdem non déserens, ad præmia  
futúra dispónas. Per Christum Dó-  
minum nostrum. R. Amen.

Oratio ad Ss. Nomen Jesu.

O bone Jesu, o piissime Jesu, o dul-  
cissime Jesu, o Jesu, Fili Dei et  
Marie Virginis, plene misericórdia  
et pietate. O dulcis Jesu, secundum  
magnam misericórdiam tuam mise-  
rére mei. O clementissime Jesu, per  
pretiósū illum sanguinem, quem  
pro peccatóribus effudísti, déprecor  
te ut ábluas omnes iniquitátes meas,  
et me miserum et indignum, humili-  
ter véniam peténtem et hoc sanctum  
Nomen Jesu invocátem respicias.  
O Nomen Jesu, Nomen delectábilē!  
Nomen Jesu, Nomen amábilē! Quid  
est enim Jesus, nisi Salvátor? ergo  
Jesu, propter Nomen sanctum tuum  
esto mihi Jesus, et salva me. Ne  
permittas me damnari, quem pretiósō  
sanguine tuo redemísti. O bone Jesu,  
ne perdat me iniquitas mea, quem  
fecit omnipotens bónitas tua. O be-  
nignissime Jesu, miserére mei, dum  
tempus est miseréndi, ne damnes  
me, cum tempus est judicandi. O

piissime Jesu, si me damnare velit tua sevra justitia, appello et confugio ad tuam piissimam misericordiam. O amantissime Jesu, o desideratissime Jesu, o mitissime Jesu, o Jesu, Jesu, Jesu, suscipe me in numerum electorum tuorum. O Jesu, salus in te credentium, o Jesu, fiducia ad te confugientium, o Jesu, dulcedo te amantium; fac ut diligam te, tibique fideliter adhaream, et post hanc miseram miseriari feliciter ad te perveniam. Amen.

### Litaniæ Ss. Nominis Jesu.

Indulgencia 300 dierum semel in die has Litanias cum adnexis precibus devote recitantibus. (Leo XIII., Decreto 16. Jan. 1886.)

**Kyrie eleison.**

Christe eleison.

Kyrie eleison.

Jesu, audi nos.

Jesu, exaudi nos.

Pater de cœlis Deus, miserere nobis.

Fili, Redemptor mundi, Deus,

Spíritus Sancte Deus, miserere.

Sancta Trinitas unus Deus, miserere.

Jesu, Fili Dei vivi, miserere.

Jesu, splendor Patris, miserere.

Jesu, candor lucis æternæ,	miserere.
Jesu, Rex gloriae,	miserere.
Jesu, sol justitiae,	miserere.
Jesu, Fili Mariæ Virginis,	miserere.
Jesu amabilis,	miserere.
Jesu admirabilis,	miserere.
Jesu, Deus fortis,	miserere.
Jesu, pater futuri sæculi,	miserere.
Jesu, magni consilii Angele,	miserere.
Jesu potentissime,	miserere.
Jesu patientissime,	miserere.
Jesu obedientissime,	miserere.
Jesu, mitis et humilis corde,	miserere.
Jesu, amator castitatis,	miserere.
Jesu, amator noster,	miserere.
Jesu, Deus pacis,	miserere.
Jesu, auctor vitae,	miserere.
Jesu, exemplar virtutum,	miserere.
Jesu, zelator animarum,	miserere.
Jesu, Deus noster,	miserere.
Jesu, refugium nostrum,	miserere.
Jesu, pater pauperum,	miserere.
Jesu, thesaure fidelium,	miserere.
Jesu, bone pastor,	miserere.
Jesu, lux vera,	miserere.
Jesu, sapientia æterna,	miserere.
Jesu, bonitas infinita,	miserere.
Jesu, via et vita nostra,	miserere.
Jesu, gaudium Angelorum,	miserere.
Jesu, Rex Patriarcharum,	miserere.

Jesu, Magíster Apostolórum, miserére.  
 Jesu, Doctor Evangelistárum, miserére.  
 Jesu, fortitúdo Mártyrum, miserére.  
 Jesu, lumen Confessórum, miserére.  
 Jesu, púritas Vírginum, miserére.  
 Jesu, coróna Sanctórum ómnium, miserére.  
 Propítius esto, parce nobis, Jesu.  
 Propítius esto, exáudi nos, Jesu.  
 Ab omni malo, libera nos, Jesu.  
 Ab omni peccáto, libera.  
 Ab ira tua, libera.  
 Ab insídiis diáboli, libera.  
 A spíritu fornicatiónis, libera.  
 A morte perpétua, libera.  
 A negléctu inspiratiónum tuárum, libera.  
 Per mystérium sanctæ Incarnationis tuae, libera.  
 Per nativitatēm tuam, libera.  
 Per infántiam tuam, libera.  
 Per divinissimam vitam tuam, libera.  
 Per labóres tuos, libera.  
 Per agoniam et passióinem tuam, libera.  
 Per crucem et derelictiōnem tuam, libera.  
 Per languóres tuos, libera.

Per mortem et sepultúram tuam, libera.  
 Per resurrectiōnem tuam, libera.  
 Per ascensiōnem tuam, libera.  
 Per gaúdia tua, libera.  
 Per glóriam tuam, libera.  
 Agnus Dei, qui tollis peccátum mundi, parce nobis, Jesu.  
 Agnus Dei, qui tollis peccátum mundi, exáudi nos, Jesu.  
 Agnus Dei, qui tollis peccátum mundi, miserére nobis, Jesu.  
 Jesu, audi nos.  
 Jesu, exáudi nos.

Orémus.

Dómine Jesu Christe, qui dixisti:  
 Pétite et accipiétis; quærite et  
 inveniétis; pulsáte et aperiétur vobis,  
 quássumus, da nobis peténtibus di-  
 vinissimi tui amóris afféctum, ut te  
 toto corde, ore et ópere diligámus et  
 a tua numquam laude cessémus.

Sancti Nóminis tui, Dómine, timó-  
 rem páriter et amórem fac nos ha-  
 bére perpétuum, quia numquam tua  
 gubernatióne destituis, quos in soli-  
 ditáte tuæ dilectionis instituís. Qui  
 vivis et regnas in sáecula sáculórum.

R. Amen.

## Salutatio Ss. Cordis Jesu.

**S**alve, cor Jesu dulcissimum, suauissimum Ss. Trinitatis organum. Salve cor Jesu mellifluum, omnis bonitatis et gratiae vivum profluvium. Salve, cor Jesu amantissimum, omnium divitiarum Dei nobilissimum Triclinium. Millies et millies benedico, et saluto te in divina bonitate, quae fons et origo, ex qua omnis bonitas et misericordia scaturit. O nobile et pretiosum cor Jesu Christi, per mutuam gratitudinem colendae Trinitatis saluto et adoro te in abundancia omnium gratiarum, quae effluxerunt, et sine fine effluent in omnes sanctas et devotas animas, quas toties irrigasti et inebriasti torrente divinae voluntatis tuae.

O cor Jesu, cor dulce. O cor Jesu, cor suave, cor Jesu, cor amabile. O cor manans dulcedine, redundans pietate, supereffluens caritatem. In tuam intimam medullam immargo meum spiritum, et in profundo tuae misericordiae sepelio totum pondus iniquitatis et negligentiæ meæ. Tibi offero omnes meos labores et sudores: tibi dedio omnes meas angu-

stias et miseras: tibi commendo vitam et finem vitae meæ. O cor, thymia ma dulcissimum, incensum suavissimum, sacrificium dignissimum: offer temetipsum super reconciliacionis humanae altare aureum, in supplementum omnium meorum, quos vixi diorum, in quibus Deo non detuli fructum.

Benedico te, cor Jesu nobilissimum, in illo amore, quo a Spiritu Sancto ex castissimo Mariæ Virginis sanguine es creatum. Glorifico te, cor Jesu dulcissimum, illo amore, quo a Sanctissima Trinitate omnibus celestibus bonis es decoratum. Magnifico te, cor Jesu mitissimum, in illo amore, quo semper erga genus humano arsististi. Venero te, cor Jesu benignissimum, illo amore, quo in cruce moriens disruptum fuisti. Collaudo te, cor Jesu fidissimum, in illo amore, quo lancea transverberrari, sanguinemque et aquam distillare voluisti.

Te igitur, o superdignissima Trinitas, per illud superbenedictum collaudo, glorifico et benedico, quod potueris, sciveris, atque volueris huic nobilissimo cordi tam multiplicia do-

na, gratiarūmque abundātiam conférre: et summo, quo possum, afféctu et reveréntia óffero tuæ suprémæ Majestati idipsum cor dulcissimum, ac única dignissimum in ea dignitatē, qua plenum est divina gratitúdine, ac omnimodæ beatitúdinis perfectiōne, superexcéllens in perpetuum: orans, ut per illud ipsum supplére, ac perfécte restauráre dignéris, quidquid mali commisi, et in omni bono négléxi. Amen.

## Litaniæ de Sacro Corde Jesu.

Indulgenciam 300 dierum hujusmodi Litaniæ cum adnexis precibus tum privatim tum publice devote recitantibus vel decantantibus. (Leo XIII., Decreto *Urbis et Orbis*, die 2. Aprilis 1899.)

Kýrie éléison.

Christe éléison.

Kýrie éléison.

Christe, audi nos.

Christe, exaudi nos.

Pater de coelis Deus, miserere nobis.

Fili, Redémptor mundi Deus, miserere

Spiritus Sancte Deus, miserere

Sancta Trinitas, unus Deus, miserere

Cor Jesu, Filii Patris æterni, miserere.

Cor Jesu, in sinu Vírginis Matris a

Spíritu Sancto formátum, miserere.

Cor Jesu, Verbo Dei substancialiter unitum, miserere.

Cor Jesu, Majestatis infinita, miserere.

Cor Jesu, Templum Dei Sanctum, miserere.

Cor Jesu, Tabernaculum Altissimi, miserere.

Cor Jesu, Domus Dei et porta celi, miserere.

Cor Jesu, fornax ardens caritatis, miserere.

Cor Jesu, justitiæ et amoris receptaculum, miserere.

Cor Jesu, bonitatem et amore plenum, miserere.

Cor Jesu, virtutum omnium abyssus, miserere.

Cor Jesu, omni laude dignissimum, miserere.

Cor Jesu, rex et centrum omnium cordium, miserere.

Cor Jesu, in quo sunt omnes thesauri sapientiae et scientiae,

Cor Jesu, in quo habitat omnis plenitudo divinitatis, miserere.

Cor Jesu, in quo Pater sibi bene complacuit, miserere.

Cor Jesu, de cuius plenitudine omnes nos accépimus, miserere.

Cor Jesu, desidérium cōlliūm  
æternórum, miserére.  
Cor Jesu, pátiens et multæ  
misericordiæ, miserére.  
Cor Jesu, dives in omnes qui  
invocant Te, miserére.  
Cor Jesu, fons vitæ et sancti-  
tatis, miserére.  
Cor Jesu, propitiatió pro pec-  
catis nostris, miserére.  
Cor Jesu, saturatūm oppro-  
brii, miserére.  
Cor Jesu, attritum propter scé-  
lera nostra, miserére.  
Cor Jesu, usque ad mortem  
obédiens factum, miserére.  
Cor Jesu, láncea perforatūm,  
miserére.  
Cor Jesu, fons totius consola-  
tiónis, miserére.  
Cor Jesu, vita et resurréctio  
nostra, miserére.  
Cor Jesu, pax et reconciliatió  
nostra, miserére.  
Cor Jesu, víctima peccatórum,  
miserére.  
Cor Jesu, salus in Te sperán-  
tium, miserére.  
Cor Jesu, spes in Te morién-  
tium, miserére.

Cor Jesu, deliciæ Sanctórum  
ómnia, miserére.  
Agnus Dei, qui tollis peccáta  
mundi, parce nobis, Dómine.  
Agnus Dei, qui tollis peccáta  
mundi, exaudi nos, Dómine.  
Agnus Dei, qui tollis peccáta  
mundi, miserére nobis.  
¶. Jesu, mitis et húmilis Corde,  
¶. Fac cor nostrum secundum Cor  
tuum.

Orémus.

Omnipotens sempiterne Deus, ré-  
spice in Cor dilectissimi Filii tui,  
et in laudes et satisfactiōnes, quas in  
nōmine peccatórum tibi persolvit, iis-  
que misericordiam tuam peténtibus,  
tu véniam concéde placatus, in nō-  
mine ejusdem Filii tui Jesu Christi,  
qui tecum vivit et regnat in unitate  
Spíritus Sancti Deus, per ómnia sā-  
cula sæculórum. Amen.

Omnis Christifideles qui prima feria sex-  
ta cujusque mensis, dummodo confessi ac  
S. Synaxi refecti, infinitam Ss̄mi Cordis  
Jesu caritatem pia meditatione recoluerint,  
et aliquamdiu ad mentem Summi Pontificis  
devote oraverint, Indulgenciam plenariam  
consequuntur; ceteris vero feriis sextis per  
annum, si præfata præstiterint, Indulgen-  
tiā septem annorum totidemque quadra-

genarum lucrantur. (Leo XIII., Rescripto diei 7. Septembris 1897.)

**Litaniæ Lauretanæ B. Mariæ Virg.**

Indulgentia 300 dierum toties quoties.  
(Pius VII., Decr. 30. Sept. 1817.)

**Kyrie eléison. Christe eléison.**

Kyrie eléison.

Christe, audi nos.

Christe, exaudi nos.

Pater de cœlis Deus, miseré nobis.

Fili, Redémptor mundi Deus, mis.

Spíritus Sancte Deus, miseré.

Sancta Trinitas unus Deus, miseré.

Sancta María, ora pro nobis.

Sancta Dei Génitrix, ora.

Sancta Virgo Virginum, ora.

Mater Christi, ora.

Mater divinæ grátiæ, ora.

Mater puríssima, ora.

Mater castíssima, ora.

Mater invioláta, ora.

Mater intemeráta, ora.

Mater amábilis, ora.

Mater admirábilis, ora.

Mater boni Consilii, ora.

Mater Creatóris, ora.

Mater Salvatóris, ora.

Virgo prudentíssima, ora.

Virgo veneránda, ora.

Virgo prædicánda, ora.

Virgo potens, ora.

Virgo clemens, ora.

Virgo fidélis, ora.

Spéculum justitiæ, ora.

Sedes sapiéntiæ, ora.

Causa nostræ lætitiæ, ora.

Vas spirituálē, ora.

Vas honorábile, ora.

Vas insigne devotionis, ora.

Rosa mýstica, ora.

Turris Davídica, ora.

Turris ebúrnea, ora.

Domus áurea, ora.

Féderis arca, ora.

Jánua cœli, ora.

Stella matutina, ora.

Salus infirmórum, ora.

Refúgium peccatórum, ora.

Consolátrix afflictórum, ora.

Auxlium Christianórum, ora.

Regina Angelórum, ora.

Regina Patriarchárum, ora.

Regina Prophetárum, ora.

Regina Apostolórum, ora.

Regina Mártirum, ora.

Regina Confessórum, ora.

Regina Virginum, ora.

Regina Sanctórum omnium, ora.

Regina, sine labe origináli con-

cépta, ora.

Regina sacratissimi Rosárii, ora.  
 Agnus Dei, qui tollis peccáta  
 mundi, parce nobis, Dómine.  
 Agnus Dei, qui tollis peccáta  
 mundi, exaúdi nos, Dómine.  
 Agnus Dei, qui tollis peccáta  
 mundi, miserére nobis.  
 ¶. Ora pro nobis sancta Dei Gé-  
 nitrix. R. Ut digni efficiámur pro-  
 missiónibus Christi.

Orémus.

Concéde nos fámulos tuos, quáesu-  
 mus Dómine Deus, perpétua men-  
 tis et córporis sanitáte gaudére: et  
 gloriósa beáte Maríæ semper Virgi-  
 nis intercessióne, a præsénti liberári  
 tristitia, et aetérna pérfrui lætitia.  
 Per Christum Dóminum nostrum.

R. Amen.

### Litaniæ Sanctorum cum precibus.

Kýrie eléison.  
 Kýrie eléison.  
 Christe, audi nos.  
 Christe, exaúdi nos.  
 Pater de cœlis Deus, miserére nobis.  
 Fili, Redémptor mundi Deus, mis-  
 Spíritus Sancte Deus, miserére.  
 Sancta Trinitas unus Deus, miserére.

Sancta María,	ora pro nobis.
Sancta Dei Génitrix,	ora.
Sancta Virgo virginum,	ora.
Sancte Michaël,	ora.
Sancte Gábriél,	ora.
Sancte Ráphaël,	ora.
Omnes sancti Angeli et Arch- ángeli,	oráte pro nobis.
Omnes sancti beatórum Spirí- tuum órdines,	oráte.
Sancte Joánnes Baptista,	ora.
Sancte Joseph,	ora.
Omnes sancti Patriárchæ et Prophétæ,	oráte.
Sancte Petre,	ora.
Sancte Paule,	ora.
Sancte Andréa,	ora.
Sancte Jacóbe,	ora.
Sancte Joánnes,	ora.
Sancte Thoma,	ora.
Sancte Jacóbe,	ora.
Sancte Philippe,	ora.
Sancte Bartholomæe,	ora.
Sancte Matthæe,	ora.
Sancte Simon,	ora.
Sancte Thaddæe,	ora.
Sancte Mathia,	ora.
Sancte Bárnaba,	ora.
Sancte Luca,	ora.
Sancte Marce,	ora.

Omnes sancti Apóstoli et Evangelistæ, oráte.  
 Omnes sancti Discipuli Dómini, oráte.  
 Omnes sancti Innocéntes, oráte.  
 Sancte Stéphane, ora.  
 Sancte Laurénti, ora.  
 Sancte Vincénti, ora.  
 Sancti Fabiáne et Sebastiáne, ora.  
 Sancti Joánnes et Paule, ora.  
 Sancti Cosma et Damiáne, ora.  
 Sancti Gervási et Protási, ora.  
 Omnes sancti Mártires, ora.  
 Sancte Silvéster, ora.  
 Sancte Gregóri, ora.  
 Sancte Ambrósi, ora.  
 Sancte Augustíne, ora.  
 Sancte Hierónyme, ora.  
 Sancte Martíne, ora.  
 Sancte Nicoláe, ora.  
 Omnes sancti Pontifices et Confessóres, ora.  
 Omnes sancti Doctóres, ora.  
 Sancte Antóni, ora.  
 Sancte Benedícte, ora.  
 Sancte Bernárde, ora.  
 Sancte Dominice, ora.  
 Sancte Francísce, ora.  
 Omnes sancti Sacerdótes et Levítæ, ora.

Omnes sancti Mónachi et Eremitæ, oráte.  
 Sancta María Magdaléna, ora.  
 Sancta Agatha, ora.  
 Sancta Lúcia, ora.  
 Sancta Agnés, ora.  
 Sancta Cæcilia, ora.  
 Sancta Catharina, ora.  
 Sancta Anastásia, ora.  
 Omnes sanctæ Virgines et Víduæ, ora.  
 Omnes Sancti et Sanctæ Dei, intercéde pro nobis.  
 Propítius esto, parce nobis, Dómine.  
 Propítius esto, exaúdi nos, Dómine.  
 Ab omni malo, libera nos, Dómine.  
 Ab omni peccáto, libera.  
 Ab ira tua, libera.  
 A subitánea et improvisa morte, libera.  
 Ab insídiis diáboli, libera.  
 Ab ira, et ódio, et omni mala voluntáte, libera.  
 A spíritu fornicatiónis, libera.  
 A fúlgure et tempestáte, libera.  
 A flagéllo terræmotus, libera.  
 A peste, fame, et bello, libera.  
 A morte perpétua, libera.  
 Per mystérium sanctæ Incarnationis tuæ, libera.

Per advéntum tuum, libera.  
 Per Nativitátem tuam, libera.  
 Per Baptísmum et sanctum Je-  
 júnium tuum, libera.  
 Per Crucem et Passiónem tu-  
 am, libera.  
 Per Mortem et Sepultúram  
 tuam, libera.  
 Per sanctam Resurrectiónem  
 tuam, libera.  
 Per admirábilem Ascensiónen  
 tuam, libera.  
 Per advéntum Spíritus Sancti  
 Parácliti, libera.  
 In die judíci, libera.  
 Peccatóres, te rogámus audi nos.  
 Ut nobis parcas, te rogámus.  
 Ut nobis indúlgeas, te rogámus.  
 Ut ad veram peniténtiam nos  
 perducere dignérис, te rogámus.  
 Ut Ecclésiam tuam sanctam ré-  
 gere, et conservare dignérис,  
 te rogámus.  
 Ut Domnum Apostólicum, et  
 omnes ecclesiásticos órdines  
 in sancta religióne conser-  
 vare dignérис, te rogámus.  
 Ut inimícios sanctae Ecclésiae  
 humiliare dignérис, te rogámus.

Ut Régibus et Princípibus Chri-  
 stiánis pacem et veram con-  
 córdiam donare dignérис,  
 te rogámus.  
 Ut cuncto pópulo Christiano  
 pacem et unitátem largiri  
 dignérис, te rogámus.  
 Ut nosmetipso in tuo sancto  
 servitio confortare, et con-  
 servare dignérис, te rogámus.  
 Ut mentes nostras ad cœlestia  
 desidéria érigas, te rogámus.  
 Ut ómnibus benefactóribus no-  
 stris sempitéra bona retrí-  
 buas, te rogámus.  
 Ut ánimas nostras, fratrū,  
 propinquórum, et benefactó-  
 rum nostrorum ab aeterna  
 damnatione eripias, te rogámus.  
 Ut fructus terræ dare, et con-  
 servare dignérис, te rogámus.  
 Ut ómnibus fidélibus defunctis  
 requiem aeternam donare di-  
 gnérис, te rogámus.  
 Ut nos exaudire dignérис, te rogámus.  
 Fili Dei, te rogámus.  
 Agnus Dei, qui tollis peccáta  
 mundi, parce nobis, Dómine.  
 Agnus Dei, qui tollis peccáta  
 mundi, exaudi nos, Dómine.

Agnus Dei, qui tollis peccáta mundi,  
miserére nobis.  
Christe, audi nos.  
Christe, exaudí nos.  
Kyrie eléison.  
Christe eléison.  
Kyrie eléison.  
Pater noster. *secreto.*

**V.** Et ne nos inducas in tentatió-  
nem. **R.** Sed libera nos a malo.

*Psalmus 69.*

Deus, in adjatórium meum inténde:  
Dómine, ad adjuvandum me fe-  
stina.

Confundántur, et revereántur, qui  
quærunt ánimam meam.

Avertántur retrórsum, et erubé-  
scant, qui volunt mihi mala.

Avertántur statim erubescéntes, qui  
dicunt mihi: Euge, euge.

Exsultent et læténtr in te omnes  
qui quærunt te: et dicant semper:  
Magnificétur Dóminus: qui diligunt  
salutare tuum.

Ego vero egénuis, et pauper sum:  
Deus, áduja me.

Adjútor meus, et liberátor meus  
es tu: Dómine, ne moréris.

Glória Patri, etc.

Sicut erat, etc.

**V.** Salvos fac servos tuos. **R.** Deus  
meus, sperántes in te.

**V.** Esto nobis, Dómine, turris for-  
titudinis. **R.** A fácie inimici.

**V.** Nihil proficiat inimicus in nobis.  
**R.** Et filius iniquitatis non appónat  
nocére nobis.

**V.** Dómine, non secúndum peccáta  
nostra fáciás nobis. **R.** Neque se-  
cúndum peccáta nostra retribuas no-  
bis.

**V.** Orémus pro Pontifice nostro N.  
**R.** Dóminus consérvet eum, et vivi-  
ficet eum, et beátum fáciat eum in  
terra, et non tradat eum in ánimam  
inimicórum ejus.

**V.** Orémus pro benefactóribus no-  
stris. **R.** Retribúere dignáre, Dómine,  
ómnibus nobis bona faciéntibus pro-  
pter nomen tuum vitam æternam.  
Amen.

**V.** Orémus pro fidélibus defunctis.  
**R.** Réquiem æternam dona eis, Dó-  
mine, et lux perpéta lúceat eis.

**V.** Requiéscant in pace. **R.** Amen.

**V.** Pro frátribus nostris abséntibus.

**R.** Salvos fac servos tuos, Deus  
meus, sperántes in te.

**V.** Mitte eis, Dómine, auxílium de  
sancto. **R.** Et de Sion tuére eos.

**V.** Dómine exaudi orationem meam. **R.** Et clamor meus ad te véniat.

**V.** Dóminus vobiscum. **R.** Et cum spiritu tuo.

Orémus. *Oratio.*

**D**eus, cui próprium est miseréti semper et párcere: súscipe deprecationem nostram: ut nos, et omnes fábulos tuos, quos delictórum caténa constringit, miseratió tuae pietatis cleménter absolvat.

**E**xaudi, quæsumus Dómine, súppli- cum preces, et confiténtium tibi parce peccátis: ut páriter nobis indulgentiam tríbuas benignus, et pacem.

**I**n effábilem nobis, Dómine, miseri- córdiam tuam cleménter osténde: ut simul nos et a peccátis ómnibus éxuas, et a pœnis, quas pro his merémur, eripias.

**D**eus, qui culpa offénderis, pœni- téntia placáris, preces pópuli tui supplicántis propitiüs respice: et flagella tuæ iracundiæ, quæ pro peccátis nostris merémur, avérte.

**O**mnipotens, sempiterne Deus, mi- serére fábulo tuo Pontifici nostro N., et dirige eum secundum tuam

cleméntiam in viam salutis æternæ: ut te donante tibi plácita cúpiat, et tota virtute perficiat.

**D**eus, a quo sancta desidéria, recta consilia, et justa sunt ópera, da servis tuis illam, quam mundus dare non potest, pacem: ut et corda nostra mandatis tuis dédita, et hóstium sublata formídine, témpora sint tua protectiōne tranquilla.

**U**re igne Sancti Spíritus renes nostros et cor nostrum, Dómine: ut tibi casto corpore serviámus, et mundo corde placeámus.

**F**idélium, Deus, ómnium Cónditor et Redémptor, animábus famulorum famularumque tuárum remissiónem cunctórum tríbue peccatórum: ut indulgentiam, quam semper optaverunt, piis supplicatiōibus conse- quántur.

**A**ctiones nostras, quæsumus Dómine, adspírando præveni, et adjuván- do prosquére: ut cuncta nostra orá- tio, et operatio a te semper incípiat, et per te coepta finiá- tur.

**O**mnipotens, sempiterne Deus qui vivórum domináris simul et mor- tuórum, omniúmque miseréris, quos

tuos fide et ópere futuros esse prænoscis: te súpplices exoramus: ut pro quibus effundere preces decrevimus, quosque vel præsens sæculum adhuc in carne rétinet, vel futurum jam exutos corpore suscepit, intercedentibus omnibus Sanctis tuis, pietatis tuæ cleméntia, omnium delictorum suorum véniam consequántur. Per Dóminum nostrum Jesum Christum Filium tuum: Qui tecum vivit et regnat in unitate Spiritus Sancti Deus, per omnia sæcula sæculorum.

R. Amen.

V. Dóminus vobiscum. R. Et cum spíitu tuo.

V. Exaudiat nos omnipotens et misericors Dóminus. R. Amen.

V. Et fidélium ánimæ per misericordiam Dei requiéscant in pace.  
R. Amen.

Oratio a Papa Urbano VIII,  
edita.

Ante oculos tuos, Dómine, culpas nostras ferimus, et plagas quas accépimus conférimus.

Si pensámus malum quod fecimus, minus est quod pátimur, majus est quod merémur.

Grávius est quod commisimus, lévius est quod tolerámus.

Peccati pœnam sentimus, et peccandi pertinaciam non vitámus.

In flagellis tuis infirmitas nostra téritur, et iniquitas non mutátur.

Mens ægra torquétur, et cervix non fléctitur.

Vita in dolore suspírat, et in ópere non se emédat.

Si exspectas, non corrígimur: si vindicas, non durámus.

Confitémur in correctione, quod égimus: obliviscimur post visitatió nem quod flévimus.

Si exténderis manum, facienda promittimus: si suspénderis gládium: promissa non sólvimus.

Si ferias, clamámus ut parcas: si pepérceris, iterum provocámus ut ferias.

Habes Dómine confitentes reos: nòvimus quod nisi dimittas, recte nos périmas.

Præsta Pater omnipotens sine mérito quod rogámus, qui fecisti ex níhil qui te rogárent. Per Christum Dóminum nostrum. Amen.

V. Gregem tuum Pastor æterne non déseras. R. Sed per beatos

Apóstolos tuos perpétua defensióne custódias.

**V.** Prótege Dómine pópulum tuum ad te clamántem, et Apostolórum tuórum patrocínio confidéntem. **R.** Perpétua defensióne custódias.

**V.** Oráte pro nobis sancti Apóstoli Dei. **R.** Ut digni efficiámur promisíónibus Christi.

*Oratio.*

Præsta, quæsumus omnipotens Deus, ut nullis nos permittas perturbationibus cóncuti, quos in Apostolicæ confessiónis petra solidásti. Per Dóminum nostrum.

**Preces Vespertinæ.**

*Ant.* Veni, Sancte Spíritus, replete órum corda fidélium et tui amoris in eis ignem accénde.

**V.** Emítte Spíritum tuum et creabuntur. **R.** Et renovábis fáciem terræ.

*Orémus.*

Deus, qui corda fidélium Sancti Spíritus illustratione docuísti, da nobis in eódem Spíritu recta sapere et de ejus semper consolatione gaudére. Per Christum Dóminum nostrum.

**R.** Amen. Ave María etc.

*Age gratias Deo pro omnibus in te collatis gratis et beneficiis, et speciatim pro eo quod Iesum Christum tibi dedit in Salvatorem et Beatam Virginem in Matrem, teque sacerdotali dignitate insignivit. Ter Glória Patri.*

*Dein examina conscientiam tuam et perpende omnes a te hodie admissas culpas, Dominumque sincero corde precare, ut illas tibi condonet.*

*Peracto examine, recita actus christianos et cæteras, quæ sequuntur, preces.*

*Actus christiani.*

**M**i Deus, Véritas fallere et falli néscia credo quidquid sancta Ecclésia mihi credéndum propónit, quia tu ei illud revelásti. Credo, te esse Deum meum, Creatórem rerum ómnium; credo te æternum remunerare justos Paradiso; punire autem peccatóres inférno. Credo te esse unum in esséntia, et trinum in persónis, Patrem et Fílium et Spíritum Sanctum. Credo Incarnationem, Passiónem et Mortem Jesu Christi. Credo demum quodcúmque credit sancta Mater Ecclésia. Grátias ago tibi, quod me Christianum fieri volueris; et in hac sancta Fide vivere me velle et mori profiteor.

Mi Deus, tuis promissis confisus,  
quia fidélis, potens et miséricors es,  
spero, per mérita Jesu Christi, pec-  
catórum meórum véniam, perseve-  
rántiam usque in finem, et beatam  
Paradisi glóriam.

Mi Deus, quia infinita Bónitas es  
et infinito dignus amóre, amo te ex  
toto corde meo super ómnia. Toto  
corde dóleo de ómnibus peccátis meis,  
éaque mihi displicent quia offéndi te,  
Bonitátem infinitam. Tua adjútus  
grácia, quam ut nunc et semper mihi  
concédas oro, mori pótius quam tibi  
in póstero displicere státuo. Insuper  
mihi propóno uti sanctis Sacraméntis,  
in vita et in morte.

(Indulg. 7 annorum et 7 quadrag. t. q.; plena-  
ria semel in mense, die arbitrario, si quo-  
tidie recitatur. Ind. plen. in articulo mortis.  
Benedictus PP. XIV. 28. Jan. 1756.)

Litaniæ Lauretanæ. (Pag. 116.)

*Ad obtinendam gratiam perseveran-  
tiae recitetur Salve Regina.*

¶. Dignare me laudare te, Virgo  
sacrata. R. Da mihi virtutem contra  
hostes tuos.

Orémus.

Défende quæsumus Dómine, beatá  
María semper Vírgine interce-

dénte, istam ab omni adversitaté fa-  
miliam, et toto corde tibi prostrátam  
ab hóstium propitiós tuére cleménter  
insidiis. Per Christum Dóminum no-  
strum. Amen.

\* Oratio

ad petendam gratiam bonæ mortis.

Dómine Jesu Christe, per illam ama-  
ritudinem quam sustinuit nobis-  
lissima ánima tua, quando egréssa  
est de benedicto cörpore tuo, misé-  
rére ánimæ meæ peccatricis, quando  
egrediéatur de cörpore meo. Amen.

\* Oratio pro animam agentibus.

O clementissime Jesu, amátor ani-  
márum, obsecro te per agoniam  
Cordis tui sanctissimi et per dolores  
Matris tuæ immaculatæ, lava in Sán-  
guine tuo peccátóres totius mundi  
nunc pósitos in agonia et hodie mori-  
tíuros. Amen.

Cor Jesu, in agonia factum, misé-  
rére moriéntium.

(Indulg. 100 dierum t. q. Pius PP. IX. 12.  
Febr. 1850.)

*Postremo, commenda te Deo ac Dei-  
paræ Virgini, per sequentem orationem:*  
Dómine Deus, grárias ago tibi quod  
me hac die servásti, et precor te ut

me hac étiam nocte incolumem serváre, ab omníque malo protégere dignérис. Volo quiétem nunc súmere, ut tibi compláceam; quóties autem respirábo, tóties renováre inténdo actus amóris et laudis, actúsque mei famulátus, quemádmodum Sancti et élécti in coelis eósdem hos actus eliciunt.

Mater mea, María, bénedic mihi, et récipe me sub tegmen tutélæ tuæ; et tu quoque, Angele sancte, qui mei custódia deputátus es, et vos omnes, sancti Patróni mei, intercéde pro me. Amen.

*Ter Ave Maria in honorem puritatis B. Virg. Marie, ad petendam gratiam sanctae puritatis.*

Benedicta sit sancta, immaculáta et puríssima B. Virginis Mariæ Dei Genitricis Concéptio!

(Indulg. 300 dierum t. q. Leo PP. XIII. 5. Sept. 1878.)

### Exercitium Vespertinum.

*Priusquam decubitum eas, ante aliquam devotam Jesu Christi imaginem gemiflexus sequentia servabis.*

Per signum Crucis de inimicis nostris. . . .

1. *Gratias age pro beneficiis a Deo tibi præcipue in hac die collatis.*

2. *Lumen ad dignoscendos quosque defectus in eadem die commissos expostula, dicens:*

Dómine Deus meus, ómnium largitor bonorum, in quem credo, in quem spero, te adóro, et toto corde te diligó; atque ex intimis cordis mei visceribus tibi grátias ago, qui me ad imáginem tuam fecísti, pretioso Filii tui sanguine redemísti, ad admirábile fidei lumen, et ad dignitatē sacerdotalem me indignum vocásti, et usque modo conservásti: te supplex oro, ut notum mihi facias quidquid hac die peccáverim verbo, cogitatione, opere et omissione præsértim circa passionem N. et contra virtutem N., atque de ómnibus meis delictis et peccatis veram contritionem ac emendationis propósitum mihi concédas. Per eúndem Christum Dóminum nostrum. Amen.

3. *Deinde conscientiam discute sequentibus interrogacionibus.*

Quómodo me gessi circa passionem N.?

Item circa virtutem N.?

Exercitium matutinum et meridiánum cum réliquis devótis áctibus perfeci íntegre, atténte ac devóte?

Hora conveniente surréxi prompte, decénter, ánimo collécto?

Média efficácia ad vincéndam pas-sionem dominántem omisi?

Meditationem feci cum débitis an-notionibus?

Missam celebrávi cum præpara-tione, rubricárum observántia, gratiárum actiōne?

Horas canónicas recitávi distinc-te, devóte, tempore præscripto?

Stúdium hábui de rebus morálibus, litúrgicis, prædicabilibus?

Sensus cohíbui, nempe visum, au-ditum ...?

Linguam frenávi, abstínendo a ver-bis pérversis, otiósis, indiscretis?

Passiónibus inordinatis résisti, mó-tibus scilicet supérbiæ, iræ, luxúriæ, desidiae?

In conversationibus servávi prudén-tiam, caritátem, finis rectitudinem?

In ecclésia servávi decorem, silén-tium, modéstiam?

Domus curam gessi, necessária dis-ponéndo, domésticos vigilando, et cum caritáte mōnéndo vel corrigéndo?

Dei præsentiam frequénter in men-tem revocare curávi?

Hora sonante Deiparam salutávi, communióne spirituálem feci?

Lectionem spirituálem hábui cum applicatiōne et ánimo proficiéndi?

In mensa servávi temperántiam, benedictiōnem, gratiárum actiōnem?

Alium defectum commisi?

4. *De culpis admissis vehementer dole, veniam pete, emendationem pro-pone, dicens:*

Miseré méi, Deus, secúndum ma-gnam misericordiam tuam; vehem-ter enim dóleo de ómnibus peccatiis meis: me pénitet te offendisse, quia summa et infinita es bónitas: tua ad-jútus grátia, non amplius peccáre pro-póno, te offendéndi occasiōnes vitare, omnes defectus et præcípue N. N. emendare.

5. *Communionem spiritualem fac, atque gratiam in Domino quiescendi, ceterasque tibi convenientes ab ipso postula.*

*Deinde dices Pater, Ave et Credo, orationem:*

Virgo et Mater Dei, me tibi offero in filium, atque in honórem puritatis tuæ offero etiám óculos meos, audi-

tum, linguam, manus, pedes, totum corpus meum et animam meam, te que suppliciter exoro ut gratiam mihi impetres in posterum non peccandi.  
*Ter Ave Maria et Gloria Patri.*

Per tuam sanctam virginitatem et immaculatam conceptionem, Mater Purissima, emunda spiritum meum et carnem meam.

*Ad Angelum custodem:*

Angele Dei, qui custos es mei, me tibi commissum pietate superna, hac nocte illumina, custodi, rege et gubernana. Amen.

*Hic meditationem diei sequentis disponere, præparando proposita facienda, gratias postulandas, et loci compositionem cum punctis præcipuis quibus illa constare debeat.*

*Tandem mente et corde in meditatione defixis, somnum capies, dicens:*

In pace in idipsum dormiam et requiescam.

*Vestibus te exundo, dices:*

Salva nos, Domine, vigilantes, custodi nos dormientes, ut vigilemus cum Christo, et requiescamus in pace.

Custodi nos, Domine, ut pupillam oculi, sub umbra alarum prox-

tege nos. In manus tuas commendo spiritum meum.

Procul recedant somnia et noctium phantasmata, hostemque nostrum comprime, ne polluantur corpora.

In pace in idipsum dormiam et requiescam.

*His peractis, mente in meditationis objecto posita, in Domino obdormisces.*

*Si per noctem expurgefas, mentem in Deum eleva, dicens: Illumina oculos meos, ne unquam dormiam in morte, ne quando dicat inimicus meus, prævalui adversus eum.*

